

曾文正公榮哀錄 目錄

將赴天津示二子書(九年四月)

不佞詩

不求詩

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

病中哭文正師得三十韻

送文正師柩南歸泣賦

文正師祠堂落成紀事

哭太傅曾文正公師

補輓曾文正公詩

曾文正公榮哀錄

目錄

黃翼升

梅啓照

孫衣言

錢應溥

陳艾

忠義局

書局

李傳敝

張裕釗

趙烈文

吳坤修

吳坤修

吳坤修

李元度

張文虎

輓曾文正公詩

輓曾文正公詩

輓曾文正公詩

輓曾文正公書聯

受業吳坤修 受業梅啓照 甥陳遠 浙江知縣

王厚堂 通判陶寶善 江蘇記名道江清驥 受

業章壽麟 廣西候補道程桓生 部民薛時雨

章一心復瑞垣瑞鈞兆起 中湘歐陽兆熊 歐陽

兆熊 小門生薛福成 知府劉景燾 晚生歐陽

鼎 江蘇知府桂中行 內弟歐陽秉鈞 江蘇知

府張兆鹿 受業劉翰清 門下晚生周世澂 門

生黃翼升 江蘇按察使司應寶時 員外郎曹耀

湘 前湖北布政使厲雲官 幕士孫方與張璧昭

郭用孚 記名提督譚曙理 鄉晚生周開揚

許長怡 朝北提督郭松林 夔州知府蒯德模

兩淮運使方濬頤 年晚生錢振倫 長江船務委

員李泰源 同鄉木商張雲理 受業李鴻裔 安

徽壽春鎮郭寶昌 前山西布政司劉秉璋 門下

薛時雨

戴望

劉壽曾

曾文正公榮哀錄 目錄

土潘鼎新 知府李寶森 鄉世姪魏耆 門人孫
 衣言 熊其光 糧道王大經 岳州鎮彭昌禧
 晚生馮譽駁 候選郎中許星翼 受業陳守和
 晚生郭柏蔭 受業李翰章 知府范志熙 受業
 陳慶長 涼州右江鎮周盛波傳 安徽官民 晚
 生英翰 受業駿駁談 門下士李善蘭 安徽知
 府劉奎光 待館甥聶緯規 門下晚生黃彭年
 參將葉圻 私淑弟子歐陽利見 門下士李鴻章
 門下晚生沈保靖 淮揚四營管官 直隸同知
 陳崇砥 年治晚生黃振綱 浙江提督黃少春
 部民綢繆機業 署廬州知府周金章 賀祥麟
 受業舒卓元 受業劉於濤 晚生劉繹 江西紳
 士劉繹等 晚生張之萬 記名提督陳濟清 同
 里晚生楊昌濬 晚生馬恩溥 晚生左宗棠 刑
 部郎中倪文蔚 姻晚生郭嵩濂 襄陽道歐陽正

二

塘 受業年島姪袁保恆 受業何敦五 刑部主
 事朱壽鏞 晚生喬松年 前輩奏階道金國琛
 知縣譚瑞 山東知縣胡鼎祺 弟國濱 世晚生
 許敏身 晚生馮桂芬 直隸候補道蔣春元 受
 業陳鼎 受業萬起琛 浙江候補道秦細業 廬
 州知府李炳濤 手民李光明等 江蘇知縣唐煥
 章 通家晚生志和 知縣薛元啓 安徽知府劉
 芳慈 江西知府王延長 年晚生何紹基 屬吏
 蔡匯澹 記名道刑部郎中潘曾瑋 書局士人張
 文虎唐仁壽 世晚生許乃釗 皖南鎮潘鼎立
 江南記名道黃似穀 寶山知縣王鴻訓 同知毛
 俊臣 門人彭玉磨 寧國知府受業孫翼謀 姻
 世姪朱式雲 三書院秀才 同知陳光烈 姻繼
 姪郭階 直隸州莊祖基 張復勝 縣丞程柱
 受業李傳敏 世愚姪邵順國 門人李興銳

曾文正公榮哀錄 卷一

將赴天津示二子書（九年四月）

余即日前赴天津查辦毀斃洋官焚毀教堂一案，外國性情凶悍，津民習氣浮囂，俱難和協，將來構怨與兵，恐致激成大變。余此行反覆籌思，殊無良策。余自咸豐三年募勇以來，即自誓效命疆場，今年老病軀危，難之際，斷不敢吝於一死，以自負其初心。恐遲遠及難，而爾等諸事無所稟承，略示一二，以備不虞。

余若長逝，靈柩自應由運河回江南，歸湘爲便。中間自臨清至張秋一節，須改陸路，較全行陸路爲差易。去年由海船送來之書箱、木器等，過於繁重，斷不可全行帶回。須細心分別去留，可送者分送，可毀者焚毀，其必不可棄者，乃行帶歸。毋食瑣物而花途，其在保定自製之木器，全行分送。沿途謝絕一切，概不收禮。但水陸略求兵勇護送而已。

余歷年奏摺，令胥吏擇要鈔錄。今已鈔一多半，自須全行擇鈔。鈔畢後存之家中，留與子孫觀覽，不可發刻送人，以其間可存者絕少也。余所作古文、藝文、詩、錄，頗多，頃渠已照鈔一分，將寄余處。存稿者外，藝所未鈔之文，寥寥無幾，尤不可發刻送人。不特篇幅太少，且少壯不克努力，志亢而才不足，以副之，刻出適以彰其陋耳。如有知舊勸刻余集者，婉言謝之可也。切屬切屬！

曾文正公榮哀錄 卷一

余生平略涉儒先之書，見聖賢教人修身，千言萬語，而要以不伎不求爲重。伎者，嫉賢害能，始功爭寵，所謂意者不能修忌者畏人修之類也。求者，貪利貪名，懷土懷惠，所謂未得患得，既得患失之類也。伎不常見，每發露於名業相伴，勢位相埒之人。求不常見，每發露於貨財相接，仕進相妨之際。將欲造福，先生伎心，所謂能充無欲害人之心，而仁不可勝用也。將欲立品，先去求心，所謂人能充無穿窬之心，而義不可勝用也。伎不去，滿懷皆是荆棘，求不去，滿腔日即卑污。余於此二者，常皆克治，恨尚未能掃除淨盡。爾等欲心地乾淨，於此二者，痛下工夫。願世世子孫戒之，附作伎求詩二首錄左：

歷覽有國之興，皆由克勤克儉所致。其義也，則反是。余生平亦頗以勤學自勵，而實不能勤，故讀書無手鈔之冊，居官無可存之牘。生平亦好以儉字教人，而自問實不能儉。今署中內外服役之人，廚房日用之數，亦云奢矣。其故由於前在軍營，規模宏濶，相沿未改。近因多病，醫藥之資，漫無限制，由儉入奢，易於下水，由奢返儉，難若登天。兩江交卸時，尚存有養廉銀二萬金。在余初意，不料有此。然似此放手用去，轉瞬即已立盡。爾輩以後，居家宜學陸繡山之法，每月用銀若干兩，限一成數，另封秤出。本月用畢，祇准

贏餘，不准虧欠。衙門修葺之習，不能不澈底痛改。余初帶兵之時，立志爲取軍營之錢，以自肥其私。今日差幸不負始願，然亦不願子孫過於貧困，低頭求人。惟在爾輩崇德善持其後而已。

孝友爲家庭之祥瑞，凡所稱因果報應，他事或不盡驗，獨孝友則立獲吉慶。反則立發殃禍，無不驗者。吾早歲久官京師，於孝友之道多疏。後來展轉兵間，多獲諸弟之助，而吾毫無裨益於諸弟。余兄弟姊妹各家，均有田宅之安，大抵皆沅叔扶助之力。我身望之後，爾等事兩叔如父，事叔母如母，視堂兄弟如手足。凡事皆從省儉，獨待諸叔之家，則必須從厚。待堂兄弟以德業相勸，過史相規，期於彼此有成爲第一要義。其次則親之欲其貴，愛之欲其富，常以吉祥喜事，默爲諸昆弟禱祝，自然神人共欽。溫甫、季洪兩叔之死，余內省實多慚德。澄侯、沅浦兩叔漸老，余此生不審能否相見。爾輩若從孝弟二字切實講求，亦足爲我彌縫缺憾耳。

不佞詩

善莫大於恕，德莫凶於妬。二者多婦行，瑣瑣笑比數。已拙忌人能，已塞忌人遇。已若無事功，忌人得成務。已若無黨援，忌人得多助。勢位苟相敵，畏逼又相惡。已無好聞望，忌人文名著。已無賢子孫，忌人後嗣裕。爭名日夜奔，爭利東西驚。但期一身榮，不惜他人污。聞災或欣幸，聞禍或悅豫。問渠何以然，不自知其故。爾室神來格，高明鬼所顧。天道常好還，嫉人還自誤。幽明證語忌，乖氣相迴互。重者災汝身，輕亦減汝祚。我今告後生，悚然大覺悟。終身讓

人道，曾不失寸步。終身視人善，曾不失尺步。消除嫉妬心，普天零甘露。家家獲吉祥，我亦無恐怖。

不求詩

知足天地寬，貪得宇宙隘。豈無過人資，多欲爲患害。在約每思豐，居困常求泰。富求千乘車，貴求萬釘帶。未得求速償，既得求勿壞。芬馨比椒蘭，馨固方泰岱。求榮不知厭，志亢神愈恠。歲煖有時寒，日明有時晦。時來多善緣，運去生災怪。諸福不可期，百殃紛來會。片言動招尤，舉足便有礙。戚戚抱股憂，精爽日凋瘵。瞻首望八荒，乾坤亦何大。安榮無遠欣，患難每遽至。君看十人中，八九無依賴。人窮多過我，我窮猶可耐。而況處夷途，奚事生嗟憤。於世少所求，俯仰有餘快。侯命看終古，曾不顧乎外。

日記絕筆。壬申二月初四日起筆。既不能振作精神，稍盡當爲之職分，又不能盡先朝露，同歸於盡。苟活人間，慚悚何極。

祭曾文正公文

黃翼升

嗚呼我公！百世之師。文章可聞，性道難窺。文之顯者，乃在功名。破百萬賊，復數百城。拯民水火，貽民樂利。厚有餘糧，野有滯穗。或俟而秀，曰膠與庠。菁莪在泚，蘭芷升堂。公之勳德，語焉難詳。識其大者，衆口琅琅。翼升從公，戎事伊始。草履布衣，枕戈而起。公謂汝能，俾整其旅。淮揚總兵，長江開府。屢擢於朝，不十年耳。翼升何人，當斯重任。幸免貽羞，恃公成命。公在軍中，屢瀕於危。惟堅惟忍，實濟我師。公治江左，清靜無爲。一笑一顰，化神若馳。公治畿疆，有

嚴有翼。百吏奮興，頑廉嚮立。帝眷三江，還公於南。引疾不可，坐鎮其址。民親公來，望塵而喜。祝公百年，長我孫子。豈期一疾，遽展雲帡。暨不及藥，巫不效靈。寶光燭天，微雨清塵。嗚呼哀哉！公之去來，豈有所爲？既濟艱難，遂遺榮貴。所難堪者，宮府吏民，執綽上理。孰活斯人，別在翼升。思同罔極，願展陳詞。涕沾胸臆，嗚呼哀哉！

祭曾文正公文

梅啓照

嗚呼！春黯江南，星沈箕宿。晉集棠槐，望摧梁木。模範猶存，儀型空闕。萬禩難追，百身莫贖。中外心傷，軍民巷哭。矧屬門牆，哀情彌篤。恭惟夫子，瀟湘秀毓，衡嶽靈鍾。匡時良弼，當代儲宗。經綸滿腹，兵甲羅胸。德崇忠孝，學擅清通。操持冰雪，氣度雲從。謙以接物，儉以傳家。履仁蹈義，存誠閑邪。言坊行表，白璧無瑕。詞館翺翔，爭呼才子。文柄主持，羣稱得士。躋位卿貳，鵬騰高舉。歷詔陳言，體韻有喜。忽觀閔凶，杜門讀禮。髮逆猖狂，見義而起。創立楚軍，旌旗肅穆。天子知公，大事可屬。授鉞專征，焚香枚卜。乃統鷹揚，次第規復。感恩圖報，殺賊忘身。大小百戰，用兵如神。十年飲血，千里無塵。東南重奠，爲國爲民。飲至策勳，黃扉正位。穆穆侯封，世襲罔替。日月雙輝，翎孔翠。載進宮銜，推恩子弟。三江鎮鎮，首推寇公。一蕝再蒞，治理雍容。沛以甘雨，噓以和風。臆躬何約，爰物何豐。偉哉元老，帝倚如山。馳驅南北，宏濟時艱。鞠躬盡瘁，力竭身殘。恨無靈草，可駐仙顏。瘞瘡所敷，罔不追憶。召伯之棠，株株凝翠。岷山之碑，人人墮淚。方之於今，其情豈異？純臣忠愛，惓惓若王。一封遺表，慮遠謀

感。身歸泉下，心在帝旁。舉謨說命，訓詞煌煌。九重知己，一代元良。飾終令典，邇越尋常。易名晉秩，爲國寵光。有丈夫嗣，各秉義方。名登農部，譽噪膠庠。犀蟬滿座，象笏盈床。明德之後，百世其昌。惟予小子，受知最早。廿稔從游，離多會少。三載秣陵，重親道貌。方冀長依，渥遘鴻造。胡沾微疾，遽返於天。所嗟永訣，竟無一言。代陳遺疏，哀更纏綿。楚些空賦，泣涕漣漣。嗚呼！穀雨淒淒，花風漠漠。淚染棠杜，鵲聲悲白鶴。嗟我哲人，芳型難作。敬奠椒漿，惟虔惟恪。有蔬載寧，有酒載酌。夫子有知，尙其來格！

祭曾文正公文

孫衣言

嗚呼！昔子瞻之祭歐陽文忠，其詞有曰：『民有父母，國有耆龜。斯文有傳，學者有師。君子有所恃而不恐，小人有所憚而不爲。譬如大川喬嶽，不見其運動，而功利之及於物者，不可以數計。而周知。』予嘗讀而偉之，以爲此固子瞻之知言。而自古大臣魁閣，正直非如歐陽公者，誠不足以語斯。而又疑此鉅人之特出，殆將曠百世而庶幾，不謂有我公之卓絕及我生而得見，而又獲親之，以追隨。嗚呼！自古聖賢與夫豪傑，開出之士，其所以有爲於世者，固欲符其志之所斯，而其事之能濟與否，則常視乎所遭之幸不幸，而非人力之所能施。方公之以兵部侍郎，警師鄉里，因湖湘之衆，用劉楊李綱之才，轉戰十年，而遂以援狐狸之窟穴，拯東南之孤離。此其功名之不世，固歐陽所未及爲，而其文章之恢奇浩瀾，學術之廣博精微，貫古今於懷抱，羅百家而兼該。以況歐公，又謂

齊驅並駕，殊途而同歸。然歐公當明道慶歷之間，雖亦嘗困於夏竦、藍元震遷謫而憂疑，而自仁宗之末造，歷英宗之宵旰，由臺諫登侍從，率帝制籌樞機，其立朝執政，固嘗歷歲移時。而史亦稱其左右兩宮，坐鎮四海，蓋白首而不衰。至其同時大臣，如杜衍、韓琦，皆志同道合，左掣而右提，而石介、曾鞏、蘇軾、轍之徒，又相與切磨以道義，揚厲其光輝。是其才未必果盡所用，而其志可謂不謬所期。嗚呼！以公之大度偉略，深謀遠規，使其所遇之幸，若歐公，當太平之無事處，密勿以論思，則其所以引吾君於恭儉，挽世俗之浮薄，收天下之豪傑，謹安危之漸微，必有以光列聖神武之烈，爲萬年探遠之貽。而乃東西奔命，與兵終始，不敢告勞，遂至盡瘁，名爲宰相而不能日與朝廷之謀議，功侔周呂而不能盡如蕭曹之指揮，挺危難以孤立，恃聖主之獨知，彼流俗之無識，或貌敬而心非，而淺夫之憤媚，甚至於負恩忘義，謫造謠而不自知，其爲翼覆而貽誦，故世之論公，以謂其皇皇若弗及，戚戚若不怡，由功高而志下，亦道尊而氣卑，而我之窺公，則固知其內視一己，實有未滿之素志。外觀斯世，尤有無窮之憂，嗚呼！昔子瞻之從文忠遊也，有子由以與之偕，而我之得出於公門，我弟方將使指而南馳，當文宗皇帝之初元，公方請復講書之舊儀，而大臣有不然者，我弟獨密疏力爭，以爲此忠臣之志慮，鄧治之綱維，及我弟爲小人所中，我方從公於軍中，獨召語我而累欬，至於今已逾十年，我弟方有以自得於山巔水湄，而公之惓惓不已，猶欲引而置之巖壑，嗚呼！

呼！此其道義之相契，亦何待於執几杖以追陪。矧如予之無狀，見子瞻固無能爲役，而飄搖江海，又一時所乘選。豈謂公之推轂，復有味其言之。雖舉世皆嫌其愚直，而公獨以爲無瞻顧而依違。嗚呼！吳越瘡痍，我方鳩聚，大東杼柚，極西鼓鼙，大任側席重華宵衣，何一老之不用，又孤生之無依。然則予之所以爲公賡咨涕洟，亦何以易子瞻之詞曰：『上爲天下櫛而下以哭其私。』

祭曾文正公文

錢應溥

崧嶽降神，實生申甫，衡山巍巍，濯靈湘楚，篤生我公。兼資文武，提挈綱維，奠此土宇。若士農工，爰及商賈，以引以翼，無不得所。海涵工深，恩澤溥博，騎箕忽逝，遐哉千古。惟公一身，伊呂皋三代之下，孰與等夷。溯自通籍，洎贊綸扉，垂四十年，衆望咸歸。手定大難，身繫安危，奇功偉烈，樹之豐碑。摹繪日月，莫實一詞。小子不敏，請言其私。庚戌之歲，挾策上都，大賢門下，幸獲步趨。詔我經術，折衷漢儒，最我言行，軌範程朱。自是過從，無間晨夕。邵袁龍契，嗜書成癖，容我參語，謬附是籍。期我遠到金門，射策科公，輝鶴龜鼈，鐵鉞三載，春明恐馳駒隙，公歸梓里，烽火連驛，義聲所樹，無避金革。我時簪毫，樞垣奉職，屢讀公疏，雄詞竊聞軍事，成敗驚心，盪魄百折不同，躬自貶責，悵望衡雲，神馳形隔，曾幾何時，春秋十易，日惟庚申，吳越糜爛，軍書旁午，鄉音中斷，請急南歸，奉親避亂，辛苦賊中，生死參半，涉海溯江，戢影私館，自分此生，草間遺竄，忽奉公書，招赴戎幕，命司章奏，欣然有託，娛侍高堂，天倫至樂，洄溯京華，

依然如昨。先子續學，校書萬卷。公素神交，而未識面。比來皖江，歎然相見。躬造敝廬，傾談不倦。材官走卒，亦疑亦羨。及我居憂，生蜀來吳，溫語相循，深情繾綣。至今思之，淚下如霰。上元甲子，大功告成，相從東下，卜居江城。追維曩昔，始慶更生。將挽銀河，洗此甲兵。猶有餘靈，假靈縱橫。皇帝曰咨，命汝北征。廣不暇煖，奉詔即行。我乃隨侍，水驛山程，亦云負笈。匪曰請纓，由徐達淮，是類是師。舟師十萬，星言速駕。巨浸稽天，洪流怒濤。時維朱夏，雷騰龍下。秦風忽起，黃河激射。櫓櫓傾危，萬衆色訝。急視公舟，公猶整暇。共歎艱難，能以誠化。公曰不然，是殆天假。舍舟而陸，移師周口。惟此要區，擇險而守。賊衆如蟻，環堞左右。公夜讀書，聲壓刁斗。萬柝聲，惡風退走。琴書卻敵，斯真新觀。帝眷南服，資公坐鎮。治軍治民，同一忠藎。我違晨昏，二年缺訊。歸諒母氏，新霜添鬢。惟公錫類，伏公誠信。遠游還歸，曾無悔吝。歲輔重任，非公莫屬。建節量移，北門鎖鑰。我繼庭闈，欲行又止。公體人情，坐語移晷。祖道潸然，味苦彈微。身滯江南，天末延企。手札時來，捧誦竊喜。自公之去，民望若寡。祝公之來，公果重臨。歡聲雷動，萬口一心。大裘庇遠，冬日愛深。謂可永戴，有如高岑。何圖一載，陰蹇雲霄。樞鈴亡掩，珠斗光銷。悲雨泣晝，長虹燭霄。街衢聚哭，薦芷焚椒。天胡此醉，醺不爲微。憶出公門，歲星兩周。親侍几杖，載勾留。滑埃徒矢，高厚莫酬。數公衰暮，將相輩出。曾不數年，蜚英騰實。嗟我舊下，半生棄筆。願從公久，情誼專一。正論微言，窺公愠密。談諧談笑，樂公率直。疏稿滿篋，點竄塗乙。

曾文正公榮哀錄 卷一

字推轂，墨無旁溢。忍淚檢尋，音容髣髴。公手扶雲，公心捧日。天鑒忠誠，新宮久待。千秋萬禩，是主是宰。一瓣新香，告升鼎鑪。雲馬風車，神兮斯在。

祭曾文正公文

陳艾

嗚呼！功被南服，續紀太史。德洽數省，淡人肌體。走卒婦孺，感恩浸齒。能言之流，掛漏無似。艾以迂拙，銜恩知己。自述梗概，敢辭弁鄙。因遭時亂，避地祁門。敝衣蹣跼，就食城垣。先達說士，謁公行轅。草茅異率，寥寥數言。公喜我朴，大笑拊膝。時有專局，表章忠魂。俾我尸之，紀述紛蕃。分月廉泉，使市雞豚。上奉老母，下逮兒孫。饑者告飽，寒者告溫。籌筆偶暇，經史討論。教誨懇至，引入籬簾。譬從峻阪，下就平原。公名善誘，忘我庸昏。艾也不才，無干時志。公謂此人，泊然名利。惜其少慧，或爲負累。置之膏腴，不飽不醉。置之繁劇，不苛不媚。果以狂愚，孤行己意。公鑒其誠，屢易善地。公善任使，艾實非器。我之疏直，宜老江湖。塵塵薦廣，館竹使符。自顧未信，勿敢濫竽。公昔入覲，并辭樵蘇。乃蒙加禮，遂其哺鳴。公名知人，忘我之愚。愚子異懦，未露頭角。公謂美質，資之使學。老師碩彥，俾從商榷。金入于匱，玉加以琢。綆短汲長，負公先覺。公名無私，私其朴樸。舉室銜恤，敢忘其朗。嗚呼！哀哉！我一書生，惟事丹鉛。執章服之，守收比肩。孰飲食之，有弱有饋。孰啓迪之，服膺儒先。慈母介弟，免於顛連。渥荷恩禮，十有三年。我雖愚魯，敢忘濟奉。報德無日，攬鏡華顛。瘳門一痛，公鑒其虔！

祭曾文正公文

忠義局

天眷聖清日月重光。星精垂曜，降於南湘。邇乎不明，卓上紫宮。風搏九萬，仰畏躬躬。儉德服士，權盛不煥。并絡之郊，湖漢之沚。西玉南金，作貢天子。銘凡箴展，聖人有喜。俚佐亂民，盜兵潢池。弱帥縱之，匪怒而聖。公襲帝命，爲簡之師。退蒐衡陽，乃親蹙蹙。止則鉅防，近則奔馬。風霆滿空，陶其來下。左睨洪都，右拂江夏。使賊肝鬲，懸焉九野。士氣如劍，或浮或沈。公爲歐冶，契合于深。會有天機，拔植高吟。宵然位分，見者傾心。迹始洞庭，喋血彭蠡。欽承大符，斧賊滌髒。益陽欽之，合肥沐之。賊有心肝，介弟劍之。莫巢窺穴，燔之。贈之瑣兮，遺黎甘雨。帝旌偉烈，誓河直茅。公開東閣，吐握英豪。麟介在遠，惜不敢燒。德量所涵，島嶼畢包。綢繆百里，定奠田植。神有秩祀，瘳有穀食。泮宮用羽，澤宮較射。國殤貳錄，書林畫式。萬非皞皞，相忘帝力。大福不終，鞠凶吾人。春相同轡，銜恤舊恩。聲皆徹天，淚皆徹泉。仰瞻箕尾，四顧怒焉。中國有葵，豈止其身？

祭曾文正公文

書局

嗚呼！公之生也，天固將以大任責公。當其立朝而侃侃，人已欽其不苟異而苟同。及嚮事之起，毅然舉義旗，疑諸交集，而自矢其孤忠。創水師以勦賊，沿大江而逐東。歷百戰以至皖，屢瀕危險。而賊亦潛避其鋒，惟其推心以置腹，故自僚屬將帥莫不踴躍而樂從。於是知師干之總，非公莫屬。此所以盡平吳越，而卒收其功。嗚呼！公雖有衆人之資稟，固已疲於戎行十載矣。況又盤根錯節，

無一日之息，而往來奔命於南北之衝。以江南之艱鉅，當大創之後，維持補救，豈敢安坐鎮而自比於襄備。此其未臻於上壽也，蓋鞠躬盡瘁，而不由於六氣之慘，二豎之攻。嗚呼！公之器識度量，遠超乎世見之外，故其和氣謙德，實能自忘其功業之盛，與爵位之崇。其於文章學問，洞悉本原，每自視欲然，與人爲善，而亦不炫於門戶之誦。其接物也，摩義漸仁，而使之自化。其垂訓於後嗣也，諄諄乎惟義利之辨，技求之戒，而孝弟之是宗。此不特古來將帥所未有，即古來名臣大儒亦少及從容固宜，邀殊常之曠典，而特諡於九重。嗚呼！黃湓洶洶，西冠猶訂。陸有蛇龍，莽有伏戎。假我數年，庶諸患息，而元氣漸充。乃一朝而長逝，使天下感喟於無窮。嗚呼！公何往乎？彼野哭而仰睇者，徒見光儀之燭空。其騎箕尾而上升乎？將臨照乎斗牛之分，全吳士庶，永託於旂幟。

祭曾文正公文

李傳獻

嗚呼！我公之生，六十有二年。心憂勤而匪懈，法天德之乾乾。學惟日其不足，力以久而彌堅。宜百年之逢古，何乃蒼生之遽捐。嗚呼！公之道德，孔孟之亞，公之經緯，望散並駕。公之憂樂，後先天下。公之文學，四科游夏。公之心志，精神則消磨於戎馬，當夫義旗初建，公誓不還，開誠布公，延攬英雄。天下已定，自視欲然，彌綸宇宙，公何加焉？及至元老北覲，大戎內亟，公曰：和戎實維全局，籌謀在握，衆口交非，公之精誠偉抱，不以物論移。然天下識與不識，至今無不服公之心，而畏公之威。嗚呼！我公天子是保，風雨飄搖，賴

茲元老。桃李藩門，公是師表。羣疑衆難，待公而掃。譬猶日月經天，而邪杆無不照；又如華嶽鎮地，持重而天下不搖。維公之主，崇嶽降神，及公之歿，天地晦冥。黃童白叟，嗟予誰父？天子曰：咨，奪我良輔，聖哲開先，公啓厥後。有公則華無公則陋。豈天不欲平治天下，何令我公之不壽？不肖侍公，歷年二紀。宦游京洛，伊誰知己？非受教於門牆，將抑鬱而誰語？胡千里以尋師，乃匍匐而哭吾夫子，吾不爲一身而悲，恐天下之患當從此始。

祭曾文正公文

張裕釗

嗚呼！嗟自炎劉芒芒百代，光岳之精，銷鑠散壞。聖往校今，百靡一逮。妣子嫗邈乎寧，再執謂並世，歎還我公。謝絕羣倫，奮起湘中。途度千載，蹈古比隆。惟公懋學，三代與期。六經百家，窮源汎源，導達漢宋，審決途靈，於天地人，靡與不覩。炳爲文章，邁雄諸唯。惟公經務，洞見治機，曰：惟五禮，哲王之遺，及兵與食，國之大謀。古稱而今，今施而宜。千聖之心，仰而思之，公之得人，爲天下憂。文武鉅公，靡不旌旆，義冠大羣，耆彥會會，旁逮羣碎，登足優者。若金競躍，容於一治。公之龜鼎，再造九區，忠誠饋饌，雲龍升扶，手提萬衆，摧盪凶渠。南掩揚越，北盡汝水，西指崑崙，東至於海，六寓震開。天地清泚，老涕孺嬌，絕惡起，凡公樹立，橫被八垓，極千萬億，橫目之民，怙公若父。殿公若神，豈謂我公，勝若浮雲，獨居深曉，莫阿其津。衆之所敬，公之所貽，公踐莫至，夢泉想靈，聲聲其邁，戰戰其危。贊元消滌，潛運密移。天眷聖清，庶其予同。孰謂我功，我其敢知？孰

曾文正公榮哀錄

卷一

謂我罪，我其敢辭？公乎卓越，亶其在斯。徵烈之多，乃公護批。人之不諒，云公逶迤，吁嗟近古，瞻則躋茲。如何奄忽，天實凶亟。九重震掉，萬姓雨泣。矧我小子，靡所比似，薄陋拙滯，世之所棄。辱荷公知，區區文字，譬海納川，我乃涓涓。暇日講讀，公屢色喜，評權古今，往往移晷。嘉我誨我，我聳我砥，冀我蘇我，界我無已。我屬別公，昔冬之季，孰云幾日，遂隔萬世。天下一痛，一身之悲哀，求無端，涕質如糜。公乎有知，其稔予悲，嗚呼哀哉！

祭曾文正公文

趙烈文

月之二十日，驚聞吾師薨逝之信，五內摧裂，頃刻迷悶。傷哉奈何！自庚午冬，富莊驛送師南行，見師神氣衰颯，心管憂慮，恐不得復侍顏色。是以頻年感憤，南望長息，思欲奮飛而返。嗚呼！今幾何時？乃竟有此酷痛傷哉！傷哉！吾師今年六十有二，歲壽未期，豈生平稟賦之強，盡以用之國家民生？在師功超德邁，灑然遺世，豈復有憾？顧世事未甯，隱憂方大，朝廷奈何？子遺奈何？聞正終之頃，吉祥善逝，安坐含笑，初無疾苦。吾師夫人完歸爲樂，獨不念啣，舉首之億兆鵲結，待望之寒暖，失所依歸，溝壑跬步耶？天不整遺，胡寧太忍傷哉！奈何！烈江東一餽，淺蒙鄙之人於師門，無一線之繫。援自匹夫致之方州，兄弟甥姪並受養接，拯之恩，逾於天親。十年以來，言笑忘分，步名理則獎以治心，語歷世則教之實踐，閨門常行許其敦睦，治理薄效，謂爲多才。下至小文曲藝，無不出入輔頰，勸掖不置。嗚呼！烈所蒙被於師，豈一息未盡所得忘也！古人

心喪三年，獨居築室。而門生之於舉主，往往棄官奔走千里行哭。烈牛千載之下，形格勢禁，此志不可復遂。然心神散失，官骸塊然，嗟乎！縱能安存，亦墟莽之朴而已。尚何言哉！尚何言哉！靈旛在天，無遠弗届，既伸哭喪之禮，輒寫哀悼，達之凡筵，師其鑒之，謹告。

病中哭文正師得三十韻

吳坤修

一、春釐夢多奇險，吁可怪。抑鬱困五衷，事恐關成敗。果於二月初，我師薨於位。倉皇駕輪舟，撫棺盡哀思。回憶壬子冬，長沙甫隨時。忠節與壯武，治軍本初試。掃卻桂東塵，一軍分作二。忠節援西江，壯武留重寄。我效哭秦庭，如粵乞芻糲。重九返衡陽，下游賊無熾。草草起吳軍，岳陽敗塗地。慘淡圖振興，持籌事不易。破竹下武昌，差覺強人意。豈期到潯陽，兵機又復滯。舟師陷盜湖，哀哀如屍棄。我速赴經營，隻身策軍騎。就餉灌嬰城，師亦來駐轡。茫茫一旅師，百折幸不墜。四套盡陰靈，不獲通一字。我分武昌軍，立意擄臨瑞。與師歷艱辛，性命聯指臂。從此下江南，羣賢日紛萃。名王報生擒，爵賞次第議。魏我分寸勞，亦亦行省使。聞師撒手時，光明遍世界。東南底定功，明詔予特遷。勳可史館書，像可凌煙畫。費盡一生心，獨完千古事。皖省崇新祠，願師顯靈異。雲中甲馬來，椒醢飲一醉。若報知己恩，終身奉血淚。若念訓誨言，隨時肅膜拜。

送文正師柩南歸泣賦

吳坤修

人生重氣誼，遠間生與俱。披擻衣冠族，照耀與臺輿。此藉朝廷恩，乃娛勢利徒。若遇有志士，掩口先胡盧。所重在心許，可恥是

面談。一言如入骨，百折任嚼腐。我憶廿年前，無端學奔趨。一登湘鄉門，從此無歧途。勉我繼南塘，或與崇庵俱。萬人紛如海，獨覺體數殊。時忽遭辜，吟暗暗相提扶。卒令風波平，不爲斧鉞祿。手書一在，責爲君子儒。浮名不輕加，使人無詆諆。常舉鴈鴻詩，書紳作良模。即此師弟情，金石不能逾。一旦棄我去，薨壽等諸孤。鄉香亭一角，遺像飄長鬚。我援心喪直，晨夕慘號呼。本欲扶靈車，遠送渡重湖。一官如繫匏，進退難自圖。況值焦爛後，神貌亦隨今。觀雲旗，颺江風，嘯檣烏。一生知己恩，著想實鬱紆。寸心隨所往，化作雙飛鳥。過倚古城南，往迹尋一隅。辛苦不可說，吾師慘也無。

文正師祠堂落成紀事

吳坤修

皇帝御極初，辛酉八月朔，鑾合與珠聯，祥瑞皆駢集。惟時老湘軍，團團加嚴急。卽於是日，曙城克賊，就捉火速露布聞。兵威誠卓卓，次第平東南。厥機在此著，今聞我師薨，萬姓咸感泣。請以古雙蓮，立廟祀褒鄂。救民水火恩，權作啣環雀。我請達帝廷，與情未可卻。豈期甫定基，腦毒便繼作。每於呻吟中，指畫嚴匠約。神工鬼斧併，頃刻起樓閣。師恩入人深，衆工踴躍躍。按限告成功，莊嚴復式廓。製曲將迎神，一一合禮樂。師曾駐行轡，高樓樹一角。早晚坐其中，憑眺江與嶽。靈旛指日來，此舉必然諸。續髮動如生，清酒飲一爵。作詩告後來，有爲亦成否。

哭太傅曾文正公師

李元度

一夕大星落，光芒薄海鷺。九重悲上相，萬里失長城。傳說騎

笑尾龍圖富甲兵。宗臣應附拾，天語極哀榮。嶽嶽擎天柱，南衡鎮上游。靈龜相國地，接蔣恭侯。名世無雙略，儒臣第一流。早開議大札，讞論已千秋。五管紛蛇豕，黃巾匝地橫。直隴萌潰，纓蹕石頭城。宿將皆迴席，詞臣獨請纓。書生萬人敵，終作李西平。畢經登壇日，江心戰血紅。孤軍奔歷北，百折水仍東。妖霧迷銅渚，戈船燭石鐘。蒼黃授遺疏，暴革誓完忠。自駐章門節，重收劫後棋。代肩當局任，誰憐客軍飢。百戰推咽喉，長江創水犀。匡廬零萬丈，應續紀功碑。血戰規江左，功成背水餘。出師諸葛表，奉捷令公書。將相盈門下，羌夷聞起居。弟昆開錫十，褒鄂比何如。壁立門仞，臣心水共澄。二難頒鐵卷，三度鎮金陵。滄海未蘇息，餘波猶沸騰。知公憂國淚，泉路尚沾膺。白髮門生在，荒江作幸民。平生數知己，當代一元臣。諸譴饒天趣，文章昂替人。傷心博陽第，無復吐車茵。記入元戎幕，吳西又饒東。追隨憂患日，生死笑談中。末路時多故，前期我負公。雷寇與雨露，一例是春風。慈母雖投杼，還邀解網仁。烏瞻容返哺，驀眼閱勞薪。公治云非罪，曾參未殺人。至今披疏稿，汗背泣沾巾。一別十三載，相思欲斷腸。偶蒙作元晏，猶似訟陳湯。有約遊吳會，無緣拜後堂。惟因效端木，築室獨居場。昭代五文正，惟公踞斗魁。孤忠能活國，天性最憐才。青史無遺議，蒼生競述哀。程門今已矣，立雪再生來。

補輓曾文正公詩

張文虎

公薨五經月，痛定益哀思。天簡三朝輔，風清百世師。純忠無

曾文正公榮哀錄

卷一

矯節，實惠善因時。正有蒼茫感，人間未盡知。千秋論名世，未必古今同。遇勝李忠定，才餘韓魏公。及門多柱石，援率到當逢。驅策無凡馬，知應翼北空。世人矜一得，方寸已張皇。學問融虛抱，動名人坐忘。海波寬並育，秋月靜無芒。心法使求戒，能違道自藏。十載江南北，侯門久盪竿。多聞稱實過，寡欲許幾儒。目斷歸丹旆，情深紫白駒。湖山遺像在，和氣見眉顰。

輓曾文正公詩

韓時雨

天教元老備哀榮，一夕台星殞石城。報國此身無缺陷，留公寰宇合澄清。人懷君實多私誅，帝比希文受大名。事業蓋棺方論定，熙朝信史有真評。唐宋中興事本殊，時艱端賴重臣扶。但教撻伐殲羣醜，依舊車書拱帝都。諸將有才歸夾袋，先皇獨斷壹軍符。功成酒淚何人覺，一片孤忠念廟謨。擎天柱石鎮江南，堅定終能大亂戢。萬姓瘡痍恩再造，十年休養節持三。郊衢戶祝銘遺愛，主女香花播美談。盛世調庸崇祀典，鄉賢舊澤合能範。即談小藝亦超倫，小隊頻過防部民。蘭王清芬同北面，煙霞沈疴泰西賓。盛稱勳德非私誼，悵望乾坤少替人。我率孤寒八百士，生芻莫罷一沾巾。

輓曾文正公詩

戴望

陽和變秋氣，衆木失雲陰。毒霧朝含日，流芒夜值心。千秋喪遺愛，四野聽悲吟。不有明公出，東南久陸沈。十載重尤飢，天教力戰平。勳猷垂故府，感痛有儒生。多士忘汾式，中朝思典壘。更憐三

曾文正公榮哀錄 卷一

百戶婦孺涕交繫。南嶽天開運。如公首降祥。盛名況新建。清節擬汾陽。豈特中興冠。還爲昭代光。郁哉文字富。道味溢篇章。占稱三不朽。公舉足當之。欲寫長河淚。爲題誦德碑。九原誰可作。一藝愧相知。輓輓空堂上。論文憶昨時。

輓曾文正公詩

劉壽曾

賤子戊戌生。公時登玉堂。束髮慕名賢。識公姓氏香。側聞驕侍從。嘉謨謝先皇。沃心丹宸。箴復有謠。禮章流傳到家塾。展誦聲琅琅。大道無端倪。董稚味測量。先君有彝訓。辟咎嚆能忘。公如在。慶歷韓范富歐陽。癸丑丁喪。亂煙塵浩縱橫。長江失天壘。東淮如沸羹。聞公提義師。開關起衛。又讀討賊檄。其言慨且慷。想公天人姿。冠世異豪英。香淵之榜接。景行不得望。幾年避黃巾。故園池館荒。先君抱漆經。煙水湖東。盤蘇資客授。往依郭淮揚。淮揚甘說士。尺書遠寄將。公方勤師旅。禮辟有未遑。歎氣縹緲中。淮揚轉戰亡。先君爲字孤。質廡東海旁。會辭益陽招。公歎風韻長。辛酉克舒州。越歲書促行。公時開東閣。延攬倒屣裳。賓席禮先君。清宴華燈張。賢折到經術。師派談吾鄉。謂承文達緒。驂斷江焦汪。九流辨涇渭。四庫森戈鋌。貞固執純德。人物如西京。贊誦備寮案。雅度何航航。或乃造寓廬。深語移三商。公竊立躊躇。驚羨到騎兵。爾時樓船軍。江漢歌浴洗。介弟金陵師。連捷雨花崗。功名溯艱虞。志晦用益明。草昧開經綸。文字芽初萌。乃議開儒館。魁傑來錯雜。雙髻外史書。抗迹願與黃。敦仁兼復禮。公學能韻頤。卷帙頗汗牛。沈鍾二

百篇。校理屬先君。異同參毫芒。敘錄刊誤書。落簡無迴更。尙論爲紀年。志事昭貞剛。燈火精廬中。纂述鉅業忙。三元際甲子。吳會消機槍。旋收金陵城。威弧殲天狼。戡定撫洪爐。再覩民物康。實佐皆從公。東下治征裝。投戈乃修文。冬試開舉場。賤子海濱來。載筆意激昂。趨庭待先君。謁公驪駒航。行卷進素業。獎藉超恒常。更及制舉文。謂可扶榆枌。頗舉鳳條勁。深盼驥足驤。風雪揚榜夕。樺燭瑣院光。岳牧咸在列。檄吏如堵牆。唱名及賤子。名副鄉貢行。公聞有喜色。嗟惜不暇詳。鬱此愛士忱。齋坐衆目眩。垂翻夫何言。結感遇中腸。明年公北征。合肥攝封疆。置局刊經書。續錄甄甄。句當開先君。禮遇與公衡。乃卜金陵居。巷宅鄰青楊。賤子思請纆。從公涉徐方。眷戀庭闈深。羣季益望兄。報知竟無由。此意今猶悵。湘陰郭中丞。薦賢佐政綱。特奏先君名。教士宜上庠。中丞乏雅故。采譽因公彰。推剡不已出。淵識孰與印。內寅公還治。惠化蘇疲屯。再請被溫言。嗟公髯髮蒼。德業重鼎勳。望繼公治長。會刊班范史。先君仍勳勳。咨詢及政典。士商傘淮防。石城重寓公。舉似通德閣。承歡彼儒服。環堵羅酒漿。河澗及九里。公德難縷抗。昊天嗟不弔。鮮民罹禍殃。痛懲丁卯秋。先君疾臥牀。求養荷公賜。終難起膏肓。計達公恒驚。臨弔淚漬脰。撫視草土中。垂憐憫瘠。庇蔕繼俾成。禮幣安北垵。仍籌生計艱。儒館職許餽。月分都府錢。饋貧資春糧。公曰汝家督。弟弱賴汝匡。好慰母氏心。門庭肅蒸嘗。大業期不墜。家學宜續廣。勤廉二字箴。植躬在自強。館中英彥萃。善績先德芳。講習有

所資追琢成瑤瑛。此風高古人，誦義遍列卿。莞莞彥昇兒，不嗟葛
破涼。子子叔敖子，庶免負薪傷。驛書承先業，鑿鑿珍縹緗。禮經考
經周，選學探蕭梁。下逮盛域書，未云祛翳障。公願舉精書，掃葉見
衛遠。別坐侍燕閒，訓詞周勉章。說經明緒言，講授示梯航。朝踐駭
鄭元，狀物稽毛萇。轉注翔新義，段桂走且僵。筆札手降輦，師資裁
循狂。已已奉詔書，保釐觀嚴廊。攀轅逼江左，祖道紛進僊。贈行製
序文，公謂華實相。薄劣何足珍，宏獎公意誠。殷勤語後政，勿弱召
伯業。袞衣思鴻禧，西北浮雲翔。奏記凱起居，答教來郵箋。注意何
稠疊，在遠念茲將。祝公或再來，南紀民斯慶。天鑒乎衆志，三荏歲
在庚。塗歌而倚舞，羣羣頌聖德。滂謁公意尤殷，爲言視茫茫。恩命懷
坐鎮，抑畏懼莫當。問訊所校書，遺集徵思王。南朝延壽史，探討業
未央。瑣細及家事，蠅眉憐摧藏。永言掉先君，年前值禪祥。再拜乞
佳傳，仗公鴻筆敷。公許政暇爲，信諾無時愆。更及左氏疏，祖庭學
未昌。公願望續成，蘋芳紅豆莊。念此孤露餘，材不中桷杗。六載實
依公，陸危獲支撐。仲叔皆畢培，李也亦雋壘。家門荷再造，出谷天
倚亨。方期靈翼永，葵藿傾午暘。何圖大星隕，巫陽來下迎。奔問哭
塵門，雪涕紛浪浪。公乎騎箕去，臨冥神倭倭。慕劉志佐，議李郭功
興唐。公名在史冊，廢言著作郎。無待賻子陳，朝窆師鸞鳳。報德今
無增，禮有府主喪。陳詩實以哀，輟轡心傍徨。公靈其鑒諸，叫雲排
天固。

輓曾文正書聯（原錄未全擬俟補刻先後次序即依鈔本）

曾文正公榮哀錄 卷一

二十年患難相從，深知備極勤勞，允矣中興元老，
五里倉皇奔命，不獲親承色笑，傷哉垂暮門生。

受業吳坤修

武鄉可擬，汾陽可擬，姚江亦可擬，瀟湘衛獄間氣，獨鍾四十
年，中外傾心，如此完人，空想像。

相業無雙，將略無雙，經術又無雙，蔣阜秦淮，大星忽隕，廿六
載門牆回首，代陳遺疏，劇悲哀。

受業梅啓照

貳室共趨庭，慈顏雨霽，雅訓冰清，記席前無限提撕，彷彿春
風沂水。

弱齡窮陟岵，元老勳高，國殤骨冷，倚泉下有緣晤語，悽涼明
月江天。

甥陳達

未職荷裁成，北斗高山，方欣大廈瞻依，服教久欽文懿，國
鞠躬真況粹，南天星隕，遄失中流砥柱，傷心如喪武鄉侯。

浙江知縣王厚棠 通判陶寶善

生民擬山海，鳳麟應五百年名世，歷廿四考中書，正學懋躬
行，帝賴其勳高柱石。

翊運際風雲龍虎，通天地人爲儒，立德言功不朽，救時安宇
內，公誠無愧補金湯。

江蘇記名道江清驥

衡嶽雲霞，大澤及天下。
上台星隕，遺愛遍江南。

受業章壽麟

修謁甫歸來，憶精神步履，趑躅如前；何期變出須臾，半壁東南驚柱折！

倚痛山顛。考終緣福備，況道德動名，昭垂不朽，獨念恩承高厚，廿年依

廣西候補道程桓生

一個臣，休休有容，頻年變理餘閒，小隊出郊，惆悵向山中招

萬戶侯，綿綿勿替，當代元勳佐命，大名垂宇宙，豈徒江左誦

鄧氏薛時雨

將相皋師儒，武緯文經，真見大名垂宇宙！
治平出修省，先憂後樂，豈惟遺愛在東南？

章一復瑞垣瑞鈞兆起

矢志奮天戈，憶昔旅雁傳書，道精衛填海，愚公移山，竟歷盡

水火龍蛇，成就千秋人物。
省身留日記，讀到獲麟絕筆，將汗馬勳名，問牛相業，都看作

中湘歐陽兆熊

平生風誼兼師友，
萬古雲霄一羽毛。

歐陽兆熊

一灑淚。
邁蕭曹郭李范韓而上，大勳尤在薦賢，安獎如公，悵望乾坤

感知音。竊道德文章經海之全，私淑亦兼親炙，迂疎似我，追隨南北

小門生薛福成

相業贊中興，海宇澄清，賴矢精勤廿一載。
師謨垂後進，廉勤砥礪，敢忘遺訓十三年。

知府劉景堯

偉略佐中興，元老壯猷無與匹，
高文留信史，人倫師表定推公。

晚生歐陽翥

勳塞寰區，神歸河嶽；
天奪元老，世失人師。

舊雨相親，歎卅年琴韻書聲，頓成往迹。
大星忽殞，合四海通才碩學，共哭元勳。

內弟歐陽秉鈞

天祖有神靈，生公特挽中興局，

乾坤試環顧，濟世難爲繼起人。

江蘇知府張兆鹿。

有事君之小心，經天緯地，一代殊勳垂國史。
惟夫子能先覺，周情孔思千秋絕業在遺文。

受業劉翰清。

功在社稷，澤在生民，盡瘁歷三朝，四海蒙休，豈獨蒙陰遍南

飲其娛樂，恤其陵夷，敦交延兩世，十年飽德，從今葛屨泣西

國？華。

門下晚生周世澂。

地復荆揚，喜頻年物阜民康，到處有賈祠藥社，

門多將相，悲此日櫟傾柱折，何由仰北斗東山。

門生黃翼升。

舉世託安危，生而爲英，死而爲靈，痛此時白馬素車，滾滾江
潮流日夜。

豆腐春秋。

江蘇按察使司應寶時。

天挺人豪，經文緯武，
道隨運往，生榮死哀。

員外郎曹耀湘。

曾文正公榮哀錄 卷一

侍坐二十年，教砥行，敎立名，真氣貫兩間，勳業文章稱不朽，
抱病五六日，猶讀書，猶治事，大星隕一夕，民生士類痛何依。

前湖北布政使厲雲官。

光敘台斗。

秉鉞佐中興，方功高畫日，名冠凌煙，從敎祗席斯民，忽見神

斷泣春風。

幕士孫方與張聲昭。

手挽乾維，萬里梯航瞻上相，
身騎箕尾，九重都嘯失純臣。

郭用孚。

化成立道，緩動哀榮，在官在民，在鄉黨朝廷，此日同聲一哭。
學宗誠正，修齊平治，爲儒爲師，爲元勳佐命，於公獨有千秋

候補 蔡德輝，史易琛，車運升，李逢源，康獻廷，藍朱錦，
三朝數歷，百戰勳威，幾經盤錯艱危，弼成聖代，中興業，
九廟旂常，千秋帶礪，重以文章道誼，早立純儒，歿世名。

記名提督譚碧理。

中興將相出其門，合武鄉汾陽之功，併爲一手，
半壁東南失所恃，問王導謝安而後，幾見斯人。

鄉晚生周開揚。

昭代完人，處爲大儒，出爲元老，

曾文正公榮哀錄 卷一

中興佐命，功在天下，澤在江南。

許長怡

偉業冠古今，滿而不溢，高而不危，統求國計民生，先憂後樂，
薦賢徇天下，功則歸人，過則歸己，若論感恩被澤，異口同悲。

湖北提督郭松林

公今與舉靈散同遊，從古元勳齊俯首，
我正溯江漢沱濟而上，每經遺壘輒傷心。

夔州知府劉德模

衡嶽雲開天柱峻，
大江星隕石城寒。

兩淮運使方濬猷

一貫衍心傳，是燭鍾衡嶽英靈，湘波開氣，
千秋昭定論，端不讓齊皇宏業，新建奇勳。

年晚生錢振倫

憂樂在心頭，足挽希文事業，
勳名垂宇宙，並傳丞相祠堂。

長江船務委員李泰源

五百年名世挺生，立德立功立言，鐘鼎旂常銘不朽，
數十載閭閻叩感，敦忠敦義敦戰，江湖河漢淚同深。

三品卿銜老湘軍統領劉錦棠

德冠鄉邦，衡山並茂；

澤流天壤，湘水同長。

同鄉木商張雲理

位冠百僚，而勞謙自牧，威加四海，而盛德若愚，不虞不驕，隱
凡獨居勳業外。

年垂大耋，而神觀勿衰，病至彌留，而執掌靡息，如臨如履，易
簣猶在戰兢中。

受業李鴻裔

江左失元臣，沐德懷仁，同向甘棠揮雨淚，
齊東悲往事，嘯枯吹朽，難將寸草報春暉。

安徽壽春鎮郭寶昌

天上大星沈，氣壯山河，身騎箕尾，
人間紛雨泣，功在社稷，澤被生民。

前山西布政司劉秉璋

一身繫天下安危，夷徵邊氛，未了暮年心事，
四海得英才教育，勳名德望，永爲後世儀型。

門下士潘鼎新

龍眷備優隆，擢將相，責殊恩，科名爵祿不爲榮，所願在丹宸
陳謨，蒼生造福。

鉤衡資幹濟，作神仙，歸大暮，中外人民皆失色，詎惟是梓鄉
飲泣，槐府吞聲。

知府李寶森

不用口碑頌遺愛，
實爲朝廷生異人。

鄉世姪魏著。

人間論勳業，但謂如周召虎，唐郭子儀，豈如志在臯夔，別有獨居深念事？

天下誦文章，殆不愧韓退之，歐陽永叔，卻恨老來湜，更無便坐雅談時。

門人孫衣言。

先帝知人，早屬東南大事，
儒臣奮武，固應俎豆千秋。

熊其光。

三代下無此完人，道德、勳名、學問、文章，運世具全神，立體祇從誠意積！

一雲間喪茲元老，朝野中外儼屬士庶，呼天齊痛哭，傷心豈爲感恩深？

糧道王大經。

韓歐無武，郭李無文，集數子所長，勳華婉婉，
銜緜之高洞庭之大，歎哲人其萎，雲水蒼茫。

岳州鎮彭昌禧。

一旅獨勤王，誓此身蕩平江湖，勳業終能酬志節，
片言曾論帥，記當日流連詩酒笑談，早已識英雄。

曾文正公榮哀錄 卷一

雷雨奮經綸，局啓東征，萬里金湯資鞏固，
勳名昭日月，神歸南岳，九重青瑣薦馨香，
晚生馮譽駿。

今後儀型，吾將安仰？
生前功德，民不能忘！

候選郎中許星翼。

拔奇夷難，邁德振民，史傳千秋無愧色，
偃革辭軒，銷金罷刃，輔星一夕忽韜光。

受業陳守和。

隻手挽乾坤，至今日生榮死哀，公真無恨，
勳名震中外，顧此後際艱肩鉅，帝曰何人？

晚生郭柏蔭。

當代一人，是鴻圖丰儀，汾陽福澤，
大名千古，有皋夔事業，韓柳文章。

受業李翰章。

立志邁千秋，何必論文姬韓歐，武超郭李，
感恩逾廿載，最難忘揚帆入滬，持節導淮。

知府范志熙。

銜緜紀鍾英，忠勤智勇，發於性天，我公力挽乾坤，勳業煥千
秋史冊。

受業陳慶長。

古雲香。江南通遼，寬厚和平，獨持政體，此日哀壇衢市，眞靈仰萬。

涼州鎮周盛波
右江

相業匡時，武功定亂，經術名家，上下千古，軼後超前，我公不
九重震悼，百姓悲思，三軍涕泣，東南半壁，感恩懷德，吾皖尤

安徽官民

福邁武鄉侯，盡瘁鞠躬，百戰卒成中興業，
壽齡郭尚父，內憂外患，九原猶繫老臣心。

晚生英翰

合志於舉，聖方召之，僑僑稱翼，勵時雍，允無憾德，
受知在榮，利勳名而外，惟有修能自惕，用答深恩。

受業方駿謨

士傾廣廈，民失慈航，天胡不弔！
勳靈華夷，名垂宇宙，公實長存。

門下士李善蘭

文能拊衆，武能樹威，將相規模，往古備，
進思盡忠，退思補過，聖賢學問，近今時。

安徽知府劉奎光

出師律以定中原，想百戰芒鎗，金甌再葦，九重枚卜，錫爵增
榮，三年來緯武經文，總歸夕惕惟寅，吐握公忠，如一日。

登泰山而小天下，念衡湘地接秦隴，榮粉袈鄂門高，謬施羅
萬五嶺外，御輪親迎，豈意早違半子，音容彷彿，遯千秋。

待館甥黃緝規

公真一代名臣，挽東南已墜山河，百戰奇勳，論學術本原，獨
爲餘事。

我是再傳弟子，憶京洛叨陪杖履，卅年老友，每從容講貫，咸
服先生。

門下晚生黃彭年

用衆行師，偉略欲過新建伯，
集思廣益，虛懷宜繼武鄉侯。

參將葉圻

五百年名世間生，三朝碩輔，試問汾陽，福澤諸葛經綸，人能
兼備厥躬，古今有幾？

數千里神州底定，一柱承乾，況復吐握賢勞，先復憂樂，天不
憐遺一老，中外皆驚。

私淑弟子歐陽利見

師事近三十年，薪盡火傳，樂室恭爲門生長，
威名震九萬里，內安外攘，曠代難逢天下才！

門下士李鴻章

威德達材，多將相器。
克已勵行，以功名終。

門下晚生沈保靖。

龍節起三湘，當年時雨飛來，半壁山河重洗滌。
犀軍分一隊，此日大星歸去，滿天風月助懷涼。

淮揚四營營官。

惟公至性過人，看武功文德，勳業懋昭，卒能弼亮三朝，終此
生鞠躬盡瘁，

在我感恩猶後，惜外患邊防，謀猷未竟，遽不憖遺一老，爲當
今宏濟艱難。

直隸同知陳崇砥。

萬戶領侯封，墮淚恩同羊叔子，
千秋論相業，易名不愧范希文。

年治晚生黃振綱。

入正揆席，出總師干，以其身繫天下安危，真不愧元老壯猷，
名臣碩畫。

德嫺皋壤，功逾管葛，所注意在民生休戚，恨未見滇南解甲，
隨石銷兵。

浙江提督黃少春。

禹皋相業，德在安民，卽黼黻繡繡彰施，亦沐大賢惠政。
唐虞盛世，歌止擊壤，論智名勇功勳，代請觀惇史成書。

曾文正公榮哀錄 卷一

部民綢緞機業。

將相一身兼，恩眷方隆，驚看劍氣歸天，星芒墮地。
華夷同淚下，春光忽暗，愁見湘江湧浪，衝嶽埋雲。

署廬州知府周金章。

海內外福寓偕依，入操廟算，出掃機氛，幹旋拓中興，允武允
文資蓋畫。

江西南停雲相望，我值懸弧，公傷殞節，去來同寸晷，一生一
死勸交情。

賀祥麟。

聖朝養士二百年，得公輔翼中興，方爲食報！
史館書勳數萬字，似此鞠躬盡瘁，不愧封侯。

受業舒卓元。

秉節歷三朝，門下屬僚多將相。
違顏纔兩月，座中師傅竟神仙。

受業劉於濤。

雅望駐江城，滕閣曾臨，一瓣心香瞻舉戟，
豐功紀廬阜，岵臺重擬千秋淚，墨酒遺碑。

晚生劉繹。

與楚本聯疆，記義旗初指，時雨飛來，特爲生民救水火，
匡廬咸失色，悵前羈僊，臨大江東去，長留浩氣壯山河。

江西紳士劉繹等。

曾文正公榮哀錄 卷一

臨履惕冰淵，百世同悲曾子賢。
功勛逾邇洛，千秋不數謝公墩。

晚生張之萬

爲國家股肱心膂之臣，再造勛名郭忠武。
鍾衡嶽嶷鬱積之氣，三朝知遇李長源。

記名提督陳濟清

著道德，能文章，是衡湘間氣所鍾，一代宗風更誰嗣。
以儒臣兼武略，平東南數省大難，中興事業獨公多。

同里晚生楊昌濬

任兼將相，翊贊中興，形廷十六字褒忠，盡瘁鞠躬應自慰。
鑑拔英賢，培成後進，幕府萬人俯首，泰山北斗復

晚生馬恩溥

謀國之忠，知人之明，自愧不如元輔！
同心若金，攻錯若石，相期無負平生。

晚生左宗棠

知我十年前，問客何能門下濫竽常自愧。
論才三代後，如公有幾江南愛樹已難忘。

刑部郎中倪文蔚

論交誼在師友之間，兼親與長，論事功在宋唐以上，兼德與
言：朝野同悲惟我最。

考初出以奪情爲疑，實贊其行，考戰績，以水師爲最，實主其

議，艱難未預負公多。

一八

姻晚生郭嵩燾

武鄉侯學貫天人，功德兼崇，滄海橫流資手障。
文中子門多將相，品題增重，頽山壞木等心喪。

親鄭道歐陽正塘

累世託通家，卅年來，父子兄弟，奉爲益友嚴師，一日邇深梁
木痛！

中興推佐命，三代下，旂常竹帛，綜論武功文德，幾人能並大

名垂？

受業年愚姪袁保恆

真儒事業今無匹，
大匠裁成我最庸。

受業何敦五

美謚媲美希文，一身愛樂關天下，
高門重元禮，三世淵源及不才。

刑部主事朱壽鏞

勛業佐中興，何期天垓頓傾，九陛改容聞太息。
詎歌遍南國，忍看江流不轉，干城雪涕失瞻依。

晚生喬松年

承國家二百年教養，翊贊中興，濟艱難，資倚畀，機槍迅掃，瀚
海胥恬，偉績炳千秋，耿耿孤忠膺帝眷！

救東南億萬姓瘡痍，維持元氣，崇儉讓，顧休和，卿月重來，大星忽隕，羣生同一哭，依依難捨沐公恩。

前輩秦階道金國琛

是豪傑，是聖賢，本一貫薪傳，新民明德，有天窗有良貴，歷三朝寵遇，生榮死哀。

知縣譚家瑞

神仙福分，將相經綸，更清操凜然，身後祇餘桑八百，佛子衷腸，書生面目，忽前修邈矣，心喪還有客三千。

山東知縣胡鼎祺

無忝所生，病如考，歿如妣，厥德有常，更如王父，孝友式家庭，千里奔臨空自泣。

以古爲鑑，文似歐，詩似杜，鞠躬盡瘁，殆似武鄉，功名在天壤，九原可作耐人思。

弟國濟

德澤被東南，十年來，掃盡機槍，位亞汾陽，名齊諸葛，大星沈江皖，千里外，聞歸蓬島，心傷兩楚，哀動三吳。

世晚生許傲身

武緯本文經，爲漢唐後儒臣吐氣，中興煥開國，與順康間元佐論點。

晚生馮桂芬

出西州門，迢遞而來，看桑麻徧野，花柳成溪，十萬戶重親昇

曾文正公榮哀錄 卷一

平，遺愛難忘，白叟黃童齊墮淚！

與中山王後先相望，幸湖水波恬，石城烽靜，五百載允符運會，大名並峙，袞衣赤舄更圖形。

爲東南撐半壁山河，冀大亂初平，長資柱石。

是國家第一流人物，胡中興攸賴，連殞台星。

直隸候補道蔣春元

披胸羅宿海，沈幾默運，大度能容，廿載相依廉孟子，隻手挽銀河，陶鑄羣賢，廓清九服，千秋共仰武鄉侯。

受業陳鼎

係安危之重，爲社稷之臣，功名百世，將相一家，接軫超羣英，幕下同儕多節鉞。

出大賢之門，許急流之退，憂患相從，戡平親親，騎箕驚此日，風前老淚滿江湖。

受業萬起琛

是名士，是名將，是名相，備於一身，衡嶽瀾鍾靈，天爲中興降申甫。

有立德，有立功，有立言，足以千古，江流助悲咽，人誰後起繼蕭曹。

浙江候補道秦細業

砥柱伏元侯，邊徼未安，竊聞秦嶽將頽，絕筆不忘依北闕，簞規垂下吏，帡幪久戴，誰知彭城就謁，過門長此哭西州。

曾文正公榮哀錄 卷一

廬州知府李炳燾

嘉惠士林，四部菁華皆授梓！
周知民隱，百工技藝盡沾恩。

手民李光明等

其盛德非下吏所及知，但見迴轸乾坤，陶成將相。
惟貽謀待後人之嗣事，方慰廿年吐握，四國綏斯。

江蘇知縣唐煥章

簞筲游虎觀，振臂息鯨濤，文治武功，燕許汾湘齊俯首；
星月躡湘淵，風雲慘江樹，畏威懷德，欽衷華夏共傾心。

通家晚生志和

廿載矢忠勤，憂國方深，遽計名垂竹帛。
三邊需保障，勞心未已，定知氣壯山河。

知縣薛元啓

活國擬汾陽，形往神留，畢世傾心瞻北斗。
感恩同越石，路修齒至，哭公有淚滿西州。

安徽知府劉芳慈

盡瘁武鄉侯，千秋臣極！
望隆新建伯，一代儒宗。

江西知府王延長

武鄉淡定，汾陽朴忠，泊於公元輔奇勳，旂常特炳二千載。
班馬史裁，徽黃詩事，愴憶我詞垣凱誼，風雨深談四十年。

110

年晚生何紹基

維嶽降神，伯仲伊呂，
秉鞭作牧，閱閱山河。

屬吏蔡匯滄

開濟歷三朝，有三達尊，三不朽，八表風清，再造勳名千古少。
威儀真百度，爲百僚長，百世師一宵星隕，九重震悼萬民悲。

記名道刑部郎中潘曾璋

廿年軍國久忘身，不愧千秋史冊。
三省官民齊下淚，豈徒八百孤寒。

書局士人張文虎、唐仁壽

惟大學問，功高心愈下；
是真淡泊，身沒志益明。

世晚生許乃劍

相節昔從征，志決匡時，每飯不忘天下計。
藹躬今盡瘁，精誠戀闕，遺章難竟老臣心。

皖南鎮潘鼎立

立德立功，超越古今名不朽；
爲將爲相，入安中外職無虧。

江南記名道董似穀

於國有郭令，再造之勳，規模非三代下，苟且僥倖，功名尙友
古人，允矣方叔壯猷，召公維翰。

修身見顏子不違之用緒餘兼四科中政事文學精蘊師資後進悲哉鄧侯入昂傳說騎箕

寶山知縣王鴻訓

功德在人間實至名歸相業千秋懷太傅英靈返天上山頽木壞心香一瓣弔鄉賢

同知毛俊臣

爲國家整頓乾坤耗完心血隻手挽狂瀾經師人師我侍希文廿載

痛鄰城喉違函丈永訣顏溫鞠躬真盡瘁將業相業公是武鄉一流

門人彭玉璽

天語悼殊深方期梯航就道千羽舞階咨策老臣偏歎逝公歸悲不復歷溯裘帶臨戎江湖仗節知名婦孺盡叩恩

寧國知府受業孫製謀

幾輩共佐中興論公柱石勳名屈指誰堪呼伯仲祇今非無後勁婉我湖山義舅傷心再不荷甄陶

姻世姪朱式雲

兆姓慶生還教養兼施十年絃誦聲聞務本先教培士氣斯文失宗主典型猶在八百孤寒淚下傷心豈爲感私恩

三書院秀才

七省被恩膏偉矣勛名滿天下

曾文正公榮哀錄 卷一

悼！

三台望星象爛然功業在人間

同知陳光烈

一德契宸衷力資都弗廟堂乍喬梁木遽摧傷念薰臣應震

十年從父執竊幸追隨杖履何意巫陽赴召傷心樾蔭更難

姻愚姪郭階

范韓誰與比

德行言語政事文學一身備聖教四科又兼勳業崇高李郭

稷契祇如斯

直隸州莊祖基

功高百辟德被兆民經濟本文章名世間生成相業祀享千秋侯封萬禩勳猷勒鐘鼎闢庸異數荷天恩

張復勝

大經濟從學問中來當年整頓乾坤實惟伊訓一篇呂翰六

奇事業由艱難而至此日推崇德望允宜馨香百世圖繪千

縣丞程柱

五百年篤生名世武功文德震耀古今忽傳上相云亡歎斯

曾文正公榮哀錄 卷一

民誰爲先覺？

二十載依戀師門，北馬南船，奔馳壇坫，痛哭春風頓歇，微夫子吾將安歸？

受業李傳敵。

任艱鉅以佐中興，學問動猷，共仰師表，敦故舊而撫孤弱，飲食敦誨，劇感私恩。

世愚姪郤順國。

翊運仗元臣，壽地神仙驚帝夢！
任賢眞宰相，溥天桃李哭春風。

門人李興銳。

一一一

(附)江寧士民奉曾文正公遺像於莫愁湖，全椒薛時雨題跋。


太傅毅勇侯曾文正公捐棄館舍，民懷召罵，人思表揚。一時言哀之作，稱爲極盛。隨見節鈔，案閱者衆，連友函告，亦願借觀，無以徧給，因就所寫各詩文聯語，付諸剞劂，以備士林流覽，且誌民不能忘之實，而以

恩諭及公小像，暨示子書日記冠之，惜各體鈐錄未全，擬再補

錄授梓，用鑒觀者。至公之勳業德政，海內皆欽，無俟贅述，而奏議著作，現藏於家，不能倉猝編刊，若遺章及各

疏自有

國史昭垂，私家尤未敢纂集也。壬申六月謹識。



曾文正公肖像



早
秋
吟

